

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona", broj 7/10 i 3/23), člana 137. i 138. Zakona o radu („Službene novine FBiH“, broj: 26/16, 89/18 i 44/22), na prijedlog Ministarstva za pravosuđe i upravu, Vlada Zeničko-dobojskog kantona, na 20. sjednici, održanoj dana 08.03.2024. godine, d o n o s i

ODLUKU

o davanju saglasnosti na Ugovor o pristupanju Kolektivnom ugovoru za službenike organa uprave i sudske vlasti u Federaciji Bosne i Hercegovine

Član 1. (Predmet)

Daje se saglasnost na Ugovor o pristupanju Kolektivnom ugovoru za službenike organa uprave i sudske vlasti u Federaciji Bosne i Hercegovine („Službene novine FBiH“, broj: 98/23).

Član 2. (Saglasnost za potpisivanje)

Daje se saglasnost ministru Ministarstva za pravosuđe i upravu Zeničko- dobojskog kantona, Nebojši Nikoliću da u ime Vlade Zeničko- dobojskog kantona zaključi i potpiše Ugovor iz člana 1. ove odluke, sa Samostalnim sindikatom državnih službenika i namještenika u organima državne službe, sudskoj vlasti i javnim ustanovama u Federaciji BiH.

Član 3. (Stupanje na snagu)

Ova odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-30-4630/24

Datum, 08.03.2024. godine
Zenica

PREMIJER

Nezir Pivić

DOSTAVLJENO:

1x Ministarstvo za pravosuđe i upravu,
1x Svim ministarstvima i drugim tijelima kantonalne uprave,
1x “Službene novine Zeničko-dobojskog kantona”,
1x a/a.

Na osnovu člana 138. stav (3) Zakona o radu ("Službene novine Federacije BiH", broj: 26/16, 89/18 i 44/22) i člana 77. stav (3) Kolektivnog ugovora za službenike organa uprave i sudske vlasti u Federaciji Bosne i Hercegovine ("Službene novine Federacije BiH", broj: 98/23) Vlada Zeničko-dobojskog kantona, koju zastupa po ovlaštenju Nebojša Nikolić, ministar za pravosuđe i upravu Zeničko-dobojskog kantona i Samostalni sindikat državnih službenika i namještenika u organima državne službe, sudskoj vlasti i javnim ustanovama u Federaciji Bosne i Hercegovine kao reprezentativni sindikat, kojeg zastupa predsjednik Sindikata Samir Kurtović, zaključili su i potpisali, dana 12.03.2024. godine

UGOVOR

o pristupanju Kolektivnom ugovoru za službenike organa uprave i sudske vlasti u Federaciji Bosne i Hercegovine

Član 1. **(Predmet)**

Ovim ugovorom Vlada Zeničko-dobojskog kantona pristupa Kolektivnom ugovoru za službenike organa uprave i sudske vlasti u Federaciji Bosne i Hercegovine ("Službene novine Federacije BiH", broj: 98/23).

Član 2. **(Pristupanje)**

Samostalni sindikat državnih službenika i namještenika u organima državne službe, sudskoj vlasti i javnim ustanovama u Federaciji Bosne i Hercegovine kao reprezentativni sindikat prihvata pristupanje Vlade Zeničko-dobojskog kantona kao poslodavca Kolektivnom ugovoru iz člana 1. ovog ugovora.

Član 3. **(Primjena)**

Ugovorne strane su saglasne da se upotrijebljeni izrazi u odredbama Kolektivnog ugovora koji se odnose na parlamentarnu proceduru, Vladu Federacije Bosne i Hercegovine, federalne organe državne službe, službenike sudske policije, federalne ustanove i druge federalne institucije imaju primjenjivati i tumačiti kao odredbe koje se odnose na ove ugovorne strane, i na skupštinsku proceduru, Vladu Zeničko-dobojskog kantona, kantonalne organe državne službe ili uprave, upravne organizacije i druge kantonalne institucije, gradske i općinske službe za upravu.

Član 4. **(Stupanje na snagu)**

Ovaj ugovor stupa na snagu narednog dana od dana objavljivanja u „Službenim novinama Zeničko-dobojskog kantona“, a objavit će se i u „Službenim novinama Federacije BiH“.

Broj: 02-30-4630-1/24
Zenica, 12.03.2024. godine

Broj: _____/24
Zenica, 12.03.2024. godine

Za Vladu Zeničko-dobojskog kantona
Ministar za pravosuđe i upravu

Za Samostalni sindikat državnih službenika
i namještenika u organima državne službe,
sudskoj vlasti i javnim ustanovama u

Federaciji
BiH

Mi
nis
tar
,
Ne
bo
jša

Nikolić

Predsjednik Mr. Samir Kurtović

